

---

EW NAMOPUNG

A awora ukukun \$50,000 seni ewe Monienapen ewe Legislature-un Chuuk ren fan asengesin monien uttutunap ren nouwis non Chuuk non 1982, me pwan ren ekkoch popun.

Epwe Pung me ren ewe Legislature-un Chuuk.

Tetten 1. Iei a kawor ukukun \$50,000, ika fite ukukun mei namot ren an epwe tongeni naaf, seni ewe Monienapen ewe Legislature-un Chuuk ren fan asengesin monien ewe uttutunapen nouwisin Chuuk non 1982.


Tetten 2. Ei ukukun moni mei kawor non Tetten 1 epwe einet ika nongeni ewe Election Commissioner, ewe epwe wisen tumunu nounoun me mwokutukutun ewe moni, epwe chok fiti meta mei affat non Tetten 1, iwe esap pwan wor katoun me nounoun ei moni epwe nap-seni ei ukukun mei kawor. Met ukukun ei moni esemwo it ne nounou ika esemwo nussuno non September 30, 1982, epwe niwin sefan ngeni ewe Monienapen ewe Legislature-un Chuuk.


Tetten 3. Ewe Election Commissioner epwe awora an repot won napanapen nounoun me mwokutukutun ei moni ngeni ewe Legislature me mwen April 15, 1982, epwe affatatiw:

(1) unusen porausen nounoun ewe moni fongon me ukukun nussun mei chiwen wor non April 1, 1982; pwan

(2) met sakkun attot ika anapanap ren ewe nussun moni esemwo nounou tori non April 1, 1982, an epwe nounou non met ukukun ewe Fiscal Year, nge och sopolopun repot epwe pwan kawor nefine 20 ran, me murin soponon ewe fiscal year, ngeni ewe Legislature ika ew committee mei finita, epwe affatatiw napanapen nounoun me mwokutukutun ewe moni.

Tetten 4. Ei Namopung epwe poputa pochckunan non October 1, 1981,  
ika a kapunguno me ren ewe Kepina, ika pusin winita annuk nge esemwo  
kapunguno.

Sain seni:   
Tadashi C. Wainit, Speaker  
Truk Legislature

Annetata:   
Datasi Albert  
Legislative Clerk/Secretary  
Truk Legislature

Pwinin maram: July 7, 1981

Kapunguno seni:   
Erhart Aten, Governor  
Truk State Government

Pwinin maram: July 15, 1981